


Mayornan no por a haya caminda pa e school

EPB na Hato ta habri den ambiente di confusion y iritacion



ORANJESTAD(AAN): -- EPB-Oranjestad na Hato a percura pa confusion ayera, riba e prome dia di school despues di vacacion di Pasco.

Cantidad di mayor cu ta hiba nan yiu school cu auto, no tabata por a haya e caminda pa EPB-Oranjestad, cu hopi bruhamento y iritacion como consecuencia.

Misteriosamente e muchanan tampoco tabata corda e caminda pa nan school nobo, aunke nan a haci excursion pa e lugar aki riba 4 di December y a yuda nan docentenan verhuis riba 15 y 16 di December.

Den e programan di radio caminda publico por duna opinion, mayornan desespera tabata yama pa lanza nan critica contra e school.

Ademas di no tabata sa con pa yega EPB na Hato, e muchanan lo no tabata na haltura ki ora school ta cuminsa y ki les nan tabata tin.

Durante un entrevista cu DIARIO, coordinador general di EPB-Oranjestad ta bisa cu e ta straña pa tende cu mayornan tabata tin tanto problema pa haya e school.

Den e entrevista, el a splica di e excursionnan pa e edificio na Hato cu EPB a organiza na cuminzamento di December, caminda e inten-

cion tabata ta pa tur alumno conoce nan school nobo y haya sa unda e entrada ta.

Alavez di esaki, e alumnonan mes a yuda pa verhuis desde Mater Dei y ETAO.

E rooster a keda mescos, e coordinador general a asegura DIARIO, no tabata tin ningun cambio, otro cu e lugar caminda e lesnan ta wordo duna.

Segun e, tur alumno sa exactamente ki lesnan nan tabata tin ayera-mainta y tambe ki ora nan ta cuminsa.

DIARIO a puntra e coordinador, pa kico a habri e school awor caba y no a warda te e edificio a bin cla.

El a contesta: "E intencion tabata ta pa drenta na Juli di aña pasa pero door cu construccion no tabata cla na Augustus, a dicidi pa spera. Nos a keda usa Mater Dei y ETAO temporalmente, te na momento cu e prome fase di e edificio ta cla. Nos por a drenta na October caba ma a tuma December pa nos prepará bon".

Pa loko ta e bruhamento di ayera, e ta bisa:

"Nos no a ripara mucho problema aki. Claro cu nos mester a haci un tiki esfuerzo pa orienta nos mes riba e prome dia na un lugar nobo pero por lo general, tur cos

a bay normal".

E coordinador general ta admiti cu berdad por ta dificil pa e mayornan, como cu nan no conoce e edificio y no a bin nunca.


E ta splica: "Tin varios manera pa yega e lugar facilmente. Sea ta tuma un di e camindanan di santo cu tin pazuid y panord di WEMA Ponton o ta pasa via e rotonde di Tanki Flip y ta bira na man robez. Tanto e camindanan banda di WEMA como e caminda cu ta bira na man robez despues di e rotonde, ta sali riba EPB na Hato. Ora cu acerca e edificio di pa dilanti, lo ripara cu e construccion ta curu-curu ainda. Mester pasa patras di e school, anto lo mira e entrada cu su heki grandi".

Coordinador general di EPB ta supone cu e proyecto completo lo ta cla na October di e aña aki.

E companianan di construccion ta spera di por finaliza na Juli, pero e coordinador ta duda cu e verhuismento lo socede mes ora.

Segun e, tin cu tene cuenta cu por ehempel, un school grandi manera John F. Kennedy.

Pa verhuis un school di e tamaño ey, asina e coordinador ta opina, lo ta un tra-



bao inmenso cu lo tuma su tempo.

Pa loko ta e alumnonan cu ta biba na Dakota y tabata custuma pa bay school cu pia, tin ainda un problema.

E coordinador lo papia cu Arubus pa check e posibilidadnan cu e alumnonan aki tambe lo por cuminsa bay school cu bus.

Ayera y Diasabra ultimo, Arubus a saca e schedulenan nobo pa alumnonan cu tin custumber di tuma bus pa school.

Na man di e schedulenan aki, alumnonan por wak ta ki bus nan mester pa yega EPB

na Hato.

Finalmente, e coordinador ta bisa di a keda sorprendi cu e reaccion di e alumnonan riba nan prome dia na nan school nobo.

E hobennan tabata hopi contento, mucho mas cu tempo nan a bishita e school riba excursion o riba e dianan cu nan a yuda pa verhuis.

O hala cu e ambiente di alegria y optimismo por permanece pa semper dentro di murayanan di e school aki.


Riba fotonan hunto cu e articulo, un impresion di e lugar.

Cas di luz na Sero Preto ta clausura cu pagara

ORANJESTAD (AAN)- E cas di luz cu anualmente ta atrae miles di mirones, tanto turistanan como localnan for di tur skina di Aruba ta sera nan festividadnan awenochi pa 9'or cu un pagara.

Henter pueblo ta keda cordialmente invita pa asisti na e ultimo actividad aki riba dia di Tres Rey.

Despues cu e pagara caba di core cu tur fucu lo bay over na paga e luznan.



Sabana Blanco 35-B • Tel: 838178/830909

Vraagt per onmiddellijke indiensttreding een
-Storingsmonteur Elektrotechniek / Elektronica
-Tekenaar / Werkvoorbereider

-kennis van Besturings techniek
-PLC techniek
-Industriële electronica
-elektrotechniek

Tekenaar / Werkvoorbereider

-Kennis van tekenen met autocad
-NEN 1010 Normen